



**Emma:** Moin, Paul! Weer wäät dü haane?

**Paul:** Moin, Emma än Tufel! Fain, dåt ik jam drååw. Ik hääw min åålen besoocht än nü schal ik wi tu hüs.

**Emma:** Tufel än ik schan üt tu spånen än wan üs dan uk nuch en is hååle! Wäät dü uk iinj heewe?

**Paul:** Hm, bai åålen jäif et ål sü foole kååg, ouers en latj is koon ik nuch ääse. Oo, kiik iinjsen – di heelikopter! Wat en lääwent!

**Emma:** Tufel as en lait trung for ham. Hi mäi dåt lääwent ai.

**Paul:** Dåt as uk sü grutem heer, ouerdåt heer åål da woine forbaikääre. Än e boonouergung as je uk slin, ouerdåt e such eeft Hamborj jüst forbaikjard as. Hääst dü ham uk hiird?

**Emma:** Jåå, natörlik! Deer sat man taatje önj – hi kamt jüst foont årbe tu hüs.

**Paul:** Dåt as fain! Wan we uk gliks ma e bus kåäre? Heer kjart e iinhunerttriäntwunti forbai!

**Emma:** Nåån, Tufel bjauset åltens sü ärj önj e bus! Lätj üs mån liiwer tu fötjs gunge.

**Paul:** Koone müs eentlik skateboard kåäre?

**Emma:** Än deer kamt e kåt önj e hiitpluftbalong – nü långt me dåt! Kam, we wan üs en is hååle! Tufel as uk hungai, ouers hi wal hål en påår hünekååge freese.